

理黃花等閒過了

喜遷鶯鶴林靖偶作

吾家何處對落日殘鴉亂花飛絮四海五湖千巖萬壑已把此生分付怎得海棠心緒更沒鴛鴦債負春正好嘆流光有限老山無數歸去君試覩紫燕黃鸝恐怕韶華暮細雨斜風斷烟芳草暑往寒來幾度鎖卻心猿意馬縛住金烏玉兔今古事似一江流水此懷難訴

滿江紅別鶴林

明日如今我已是天涯行客相別後麻姑山上齊雲亭側幾箇黃昏勞悵想幾宵皓月遙思憶與二仙不但此今生皆疇昔

道藏輯要

日真人集

三

書

雙集三

頻到此歡無極今去也來無的念浪萍風絮東西南北七八年中相契密三十里外來將息悵金丹未就玉天邊還悵悵

永遇樂

懶散家風清虛活計與君說破淡酒三杯濃茶一盃靜處乾坤大倚藤臨水步履登山白日只隨緣過自歸來曲肱隱几但祇恁和衣卧柴扉草戶包巾紙襖未必有人似我我醉還歌我歌且舞一恁憨癡好緣水青山清風明月自有人間仙島且偃隨補破遮寒燒榾柮火

又寄鶴林靖

銀月淒涼綺霞明滅秋色如此露滿清襟風生衰鬢夜已三更